



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

13. Dies Januarii. Disce homo non diligere mundum, ut diligas Deum:
Averte, ut convertaris.

urn:nbn:de:hbz:466:1-45477

Januar.

Tessera.

31

dine. Si tibi sapiat Jesus, omnia tibi desipient præter
Jesum. Quia

Dulcior est Jesus, quàm quivis corporis Jesus.

13. DIES JANUARI.

Disce homo non diligere mundum, ut dili-
gas Deum: Averte, ut convertaris. *Gre-
gor. disp. de temp. 507.*

Miserix I.
Mundi.

UT in mundo, ad tempus dese-
ras mundum, suadebit tibi ipsa
mundi calamitas, & eorum
quæ sunt mundi, vanitas. Accipe illam ex
calamo illius, qui mundum expertus, tandem
omnia in mundo exosus, hisce coloribus ejus li-
neamenta adumbravit. (a) *Heu infelicem mundum!*
heu miserum mundum! heu fraudulentum mundum!
Verum quotnsquisq; eorum qui de mundo queruntur,
explicare potest, quis sit ille de quo queritur. Mûdus in
quo nascimur, vivimus, morimur, plurimû differt ab
eo mundo, de quo querimur. Ut igitur rē ipsam expli-
cemus, mundus hic malus, nihil est aliud quàm munda-
torû vita mala, ubi loco terra est Avaritia, ignis, cu-
piditas, aqua inconstantia, aeris levitas & stulticia, pe-
ccatorum superbia, florû oblectamēta arborum celsarû,
cogitationes, maris profundi cor. Quid multis? mundi
hujus sol est prosperitas, luna continua mutabilitas.
Hic ergo, hic est mundus, hostis noster capitalis, ami-
cus fraudulentus, qui assiduo nos labore defatigat,
qui nostro nos thesauro spectat, qui se bonis for-
midabilem, improbis amabilem, præbet: bonorum
maximè

(2) *Antoninus Imp. c. 42.*

maximè prodigus alienorum, propriorum parcissimus, vitiis omnium machinator, virtutum cunctarum carnifex: qui suos blanditiis sustētat, alienos deliciis allicit: qui mortuorū famā furatur, & vivorū vitam depredatur. Deniquè mundus is est, qui rationē habet cum cunctis, à quo rationē petere nemo audet. Hæc de Mundo & mundi vanitate, mundi delitiis irretitus Imperator M. Aurelius Antoninus. Quid aliud de mundo scribere potuisset Anachoreta D. Antonius?

II. Eidem huic tabulæ manum apposuit, eique quasi summam manum imposuit Franciscus Petrarcha, qui hunc in modum ejus faciem delineat. Quid est mundus? *Vas rimosum, specus inexplebile, tetra domus, breve divororium, fœdus carcer, latens precipitium, procellosum pelagus, vadosa litera, anceps portus, officina scelerum, sentina libidinum, caminus irarum, puteus odiorum, puitre adificium, fundamentum fragile, muri hiantes, tecta labentia, statio instabilis, rota volubilis, manens cursus, scabra levitas, scrupulosa suavitas, blanda crudelitas, fallax amicitia, concors discordia, fœdissime inducie, bellū inexorabile, pax infida, simulata virtus, excusata nequitia, laudata fraus, honoratum dedecus, irrita simplicitas, contempta fides, nuga serie, ingeniosa dementia, loquax torpor, velata ignorantia, querelarum suspiria, contentionū strepitus, vulgi fragor, obliviosa peregrinatio, patriæ odium, amor exilis, lemurum civitas atque larvarum, demonis regnum, Luciferi principatus.* Quid aliud de mundo sentire potuisset maximus ille mundiosor D. Franciscus Minorum Fratrum magnus Patriarcha, quam hic Franciscus Petrarcha.

III. Adhuc post tot displicentia placet mundus?

Ad-

Januar.

Tessera.

33

Adhuc inter tot flenda in mundo, artidet tibi mundus? Sine sublimi vertice mundum despicere, ut definas suspicere? Ascende tacitis cogitationibus illam editam D Cypriani speculā, in qua velut in speculo mundi faciem truculentam contemplaberis. [a] Paulisper te crede subduci in montis ardui verticem celsiorem, speculari inde rerum infrā te jacentium facies: & oculis in diversa porrectis, ipse à terrenis contactibus liber, fluctuantis mundi turbines intueri &c. Cerne tu itinera latronibus clausa, Maria obsessa predonibus, cruento horrore castrorum bella undique divisa; madet orbis mutuo sanguine, & homicidium cum admittant singuli, crimen est, virtus vocatur cum publice geritur: impunitatem sceleris acquirit non innocentia ratio, sed sevitia magnitudo. Jam si ad urbes ipsas oculos tuos convertas, celebritatem offendes omni solitudine tristiores. Paratur gladiatorius ludus, ubi homo occiditur in hominis voluptatem, ut quis possit occidere, peritia est, usus est, ars est, scelus non tantum geritur, sed docetur &c. O si possis in illa sublimi specula constitutus, oculos tuos inferere secretis, recludere cubiculorum obductas fores & ad conscientiam luminum penetrantia occulta referare, Aspicias ab impudicis geri, quod nec possit aspicere frons pudica. Videas quod crimen sit, & videre. Fiunt, quae nec illis possunt placere, qui faciunt. I nunc, & persiste in mundo, ubi nihil est nisi vel quod horreas flagitium, vel quod fugias periculum, vel quod timeas exitium. Dictorum Epiphonema sit hoc vatis poemata

Omnis in hoc mundo, fragilis stat sicut arundo.

C

14. DIES

(a) Cypr. Epist. ad Donat.